

Գիտական աշխատություններ» /22
ԳԱԱ Շիրակի հայագիտական հետազո-
տությունների կենտրոն; խմբ. Ս.Հայրա-
պետյան, -Շր.: Գիտություն, 2013, հատոր
15, -188 էջ:



Լույս տեսավ 22 ԳԱԱ Շիրակի հա-
յագիտական հետազոտությունների
կենտրոնի «Գիտական աշխատություն-
ներ» ժողովածուի XV հատորը՝ 12,5 տը-
պագրական մամուլ ծավալով, պրոֆ. Ս.
Հայրապետյանի ընդհանուր խմբագրու-
թյամբ:

Հատորում ընդգրկված են 23 հոդ-
վածներ, հրապարակումներ և հաղոր-
դումներ հայագիտության և հումանի-
տար աղ գիտությունների ոլորտներից:

Հոդվածների ճեշող մեծամասնու-
թյունը վերաբերում է շիրակահայտու-
թյան տարբեր ոլորտներին: Դրանցից
վեցը նվիրված է հայոց պատմական գա-
վառի հնագույն շրջանի պատմության և
հնագիտության հարցերին: Ս. Պետրոս-
յանի «Քսենոփոնյան «Հեղինկ»-ի թագա-
վորությունը և սեպագրային էթիունին»

հոդվածը մ.թ.ա. 7-րդ դարի վերջերից 6-
րդ դարի վերջերն ընկած ժամանակա-
շրջանին վերաբերող մի աղբյուրի քնն-
նություն է, որտեղ, ըստ հեղինակի վար-
կածի, խափում է էթիունի հայկական
ցեղամիության մասին, որն աստիճա-
նաբար ընդարձակվել է հզորացել է, ա-
պա անկախությունը կորցրել Դարեն I-ի
օրոք:

Օրոնտես-Երվանդի նույնացվող,
Վաղարշակի կողմից կանոնավորված
արմավիրյան դիցական եռյակի պաշ-
տամունքը, որը գլխավորել է հայկական
հելլենական-հեթանոսական պետու-
թյան պանթեոնը, համապատասխանել է
երկրի սոցիալական դասերին /Ա. Պետ-
րոսյան/: Ուսումնասիրությունը ցույց է
տալիս, որ այն պահպանվել է նաև Ար-
տաշես I-ի օրոք, ինչպես նաև Տրդատ
III-ի գահակալության առաջին տարի-
ներին և խոր արմատներ է ունեցել հա-
յոց կրոնական պատկերացումներում,
փոխակերպվելով դրսևորվել նույնիսկ
քրիստոնեության շրջանում:

Հայտնի է, որ Վարդգես Մանուկն ու
իր հիմնադրած Վարդգեսավան բնակա-
վալը հիշատակվել են պատմահայր
Մովսես Խորենացու «Հայոց պատմու-
թյան» մեջ, ինչից տեղեկանում ենք, որ ա-
պագա Վաղարշապատի տարածքում
գոյություն է ունեցել Վարդգեսավան բը-
նակավալը՝ Արտիմեղ քաղաքը /Ս. Պե-
տրոսյան/: Առասպելաբանական բառե-
րի ստուգաբանական քննության արդ-
յունքում հոդվածի հեղինակը եկել է այն
հզորացության, որ բուն առասպելում
Վարդգես Մանուկն ընկալվել է որպես
ձկնամարդ, որը, ըստ հնագույն հավա-
տալիքների, հանդիպել է Հայոց լեռնաշ-
խարհում և ներկայացնում է ջրից սեր-
ված առասպելաբանական էակ /որպես
նախատիպ նշվում են Արագածի ձկնա-
կերպ կոթողները/: Ասկայն ի տարբե-
րություն նախորդների՝ Վարդգես Մա-
նուկը չի վերադարձել ջրային միջա-

միջավայր, այլ ամուսնացել է արքայադստեր հետ և Քասախ գետի ափին կառուցել Վարդգեսավանը: Հողվածագիրն ըստ այդմ է ստուգաբանում Վարդգես, Շաղավարդ, Վարդավաթ բառերը:

«Շիրակի վարչական բաժանումը Բ.ա. VIII-VI դդ.» հողվածում Ի.Ավագյանն անդրադարձել է Սոսիսե խորհեացու «Հայոց պատմության» մեջ տեղ գտած արժեքավոր հիշատակություններին: Հստ ադմ, Բ.ա. VIII-VI դդ. Հայկական լեռնաշխարհի հյուսիսարևելյան մասի ցեղերը, հետզհետե համախմբվելով, ստեղծել էին բավականին ուժեղ ցեղամիություններ: Դրանցից մեկի կենտրոնն էր հետագա Շիրակը, որի բնակչության էպոնիմ-նախնին, հավաքական կերպարի բանահյուսական անձնավորումն էր հայկազն Շարան: Հողվածում նշվում է, որ հայկական հին ավանդազրույցների համաձայն Շարայից և երա սերունդներից էին սերված վաղ միջնադարյան Հայաստանի Շիրակում, Արշարունիքում և Գուգարքում իշխած հայկական ծագումով նախարարական տրեները:

Վաղբրոնզիդարյան Մեծ Մեպասարում իրականացրած տարեկան հնագիտական պեղումների արդյունքներին են նվիրված Լ. Եզանյանի երկու հոդվածները, որոնցից առաջինը նվիրված է հայոց մեջ հազվագյուտ հանդիպող գաղերի գոհաբերության ծեսին, որն ասկա է Մեծ Մեպասարում: Նշվում է, որ ծեսից հետո սրբարանի արևմտյան կողմում թաղվել են միայն գաղերի զյուխները, որոնց միայն ստորին ծնատները հայտնաբերվել են սրբարանի հատակի տարբեր մասերում: Հնագիտական փաստերի համադրումը հնագույն ծեսերին, հավատալիքներին և սովորույթներին, հեղինակին թույլ են տվել պնդելու, որ վաղ բրոնզի դարաշրջանում հեղեվրոպական ցեղերով բնակեցված Մեծ Մեպասարում այս գոհաբերությունը նվիրվել է Անպրոպի աստվածությանը, և այդ ծի-

սակարգում առանձնակի կարևորվել է զլխի գոհաբերությունը:

Հեղինակի հաջորդ հոդվածն ուղղակիորեն առնչվում է նախադրին, քանի որ վերաբերում է Մեծ Մեպասարում մ.թ.ա. XVIII-XVII դդ. թվագրվող մի ծեսից պահպանված նյութական մնացորդներին: Օավալվելով «Քուտարաքսյան մի կարասի գարդագուռու սիմվոլիկայի շուրջ» Լ. Եզանյանը նշում է, որ այն եզակի փաստ է հեղեվրոպական ցեղերի հոգևոր մշակույթի հավատալիքների, պաշտամունքի և ծեսերի ուսումնասիրման համար: Դրանք հաստատում են պատկերազարդման բովանդակության կապը ծիսակարգի հետ, քանզի այստեղ արտացոլված է գարնան գալուստը և նոր տարվա սկիզբը կամ տիեզերական կարգուկանոնի վերականգնման համար մղված պայքարում վիշապամարտիկի տարած հաղթանակին նվիրված ծեսի բովանդակությունը:

Ժողովածուում տեղ են գտել նաև Հայաստանի նոր շրջանի պատմությանը առնչվող հոդվածներ:

Հ. Փանոսյանի «Ժողովրդական տեղաշարժերը թուրման-ե Նախիջևանի Ազատ-Ջիրանի ու Դարաշամբի մանկաներում /XVII դ. կես/» հոդվածը նվիրված է Նախիջևանի երկրամասի ժողովրդական խնդիրներին մասնավորապես տեղի հայ բնակչության տեղաշարժերի ուսումնասիրությանը: Արխիվային տարաբնույթ նյութերի հիման վրա հողվածում բացահայտվում է, որ XVII դ. առաջին կեսին պարսկա-թուրքական բախումների ժամանակ տեղի ունեցած ժողովրդագրական մեծ տեղաշարժերի հետևանքով Նախիջևանի գավառի հայ բնակչության թվաքանակը արագորեն նվազել է: Եվ չնայած դրան՝ էթնիկական լուրջ տեղաշարժեր տեղի չեն ունեցել, և հայ բնակչությունը շարունակել է մեծամասնություն կազմել գավառում:

Բացառիկ ծանրագույն պայմաններում 1918թ-ին ստեղծված Հայաստանի Հանրապետությունում տեղական ինք-

հակառակարման համակարգը ներդրվել է աստիճանաբար: Նախ 1919թ. ստեղծվել են տեղական կառավարության քաղաքային, ապա 1920թ. գավառային մարմինները: ԿԱԼԵՐՍԱՆԻՅԱՆԻ հռոլվածում համարժեք փաստերի վերլուծությամբ պարզվել է, որ ՀՀ պետական իշխանության ե Ալեքսանդրապոլի տարածքային պետական և տեղական ինքնակառավարման մարմինները չեն կարողացել հանդես գալ որպես մեկ ամբողջական մարմին ընդհանուր պետական շահերով: Հեղինակը եզրակացնում է, որ իրավասությունների համար պայքարը, հատվածական և կուսակցական մտնեցումը, պետական շահի բացակայությունը արգելակել են երկրի համաչափ զարգացումը և թուլացրել պաշտպանունակությունը:

Նույն ժամանակաշրջանին է առնվում նաև ԱՀայրապետյանի «Մտորումներ Ալեքսանդրապոլի հայ-թուրքական պայմանագրի շուրջ» հոդվածը: 1920թ. բռնագավաթված Ալեքսանդրապոլում ստորագրվեց քեմալական Թուրքիայի կողմից սանձազերծված պատերազմի արդյունքներն ամփոփող, բռնի ուժով պարտադրված ծանրագույն մի պայմանագիր, որով կասկածի տակ դրվեց հայտնի պետականության հետագա գոյությունը: Պատմաքաղաքական կնճռոտ հարցերի քննության արդյունքում հեղինակը մի կողմից՝ կարևորում է այդ պայմանագրի քաղաքական, քառուղյական և հոգեբանական մեծ ազդեցությունը հայ-թուրքական հետագա հարաբերությունների վրա, մյուս կողմից՝ փաստում, որ այն որոշակի դեր է կատարել 1921թ. մարտի 16-ի Մոսկվայի պայմանագրով Ռուսաստանի կողմից Թուրքիայի տարածքային ձեռքբերումների ճանաչման գործում՝ առանց Խորհրդային Հայաստանի կարծիքը հաշվի առնելու:

Ալեքսանդրապոլ-Լենինականի գավառի գյուղատնտեսության դրությանն է անդրադարձել իր հոդվածում Ա.Բո-

յաջյանը: XIXդ. վերջին և XXդ. սկզբին հայկական գյուղը դեռ ամբողջովին չէր ազատագրվել ավատատիրական հարաբերություններից, գյուղատնտեսական հողերը հիմնականում պետության, կալվածատերերի և հոգևոր հաստատությունների սեփականությունն էին: Այդ պատճառով գավառում գյուղատնտեսական ռեֆորմների դերի ու նշանակության մեջ կարևորվում է դրանց գործունե ազդեցությունը բնակչության սոցիալական կազմի վրա:

Կ.Սահակյանի ու Ռ.Հովհաննիսյանի հոդվածը եվրոպած է հայտնի մեջ հացին առնչվող ժողովրդական պատկերացումներին և հավաստյալներին: Դրանք դարերով ամրագրվել են հայ ժողովրդի ծիսավշակության կենցաղում, ինչպես և նրա բազմազան ձևերը՝ արևազգեստ, լուսնաձև, խաչաձև և գուշակության հացեր և այլն: Սրանք վկայում են, որ լինելով ինքնաբերական և գիտակցական պաշտամունքի առարկա՝ հացը մշտապես դիտվել է բազմագործառության նշանակությամբ, պաշտվել որպես հատիկային Աստծո նշանակ:

Մի շարք հոդվածներում արծարծված են արդի հայերենի և գրականության խնդիրներ. «Լորաբանությունները քաղաքական PR-ի լեզվում» /Լ. Կիրակոսյան/, «Օտարաբանությունների ոճական արժեքը Զ.Խալափյանի ստեղծագործություններում» /Ս.Սարգսյան/, «Հումանիշ Բաբերի կիրառությունը Ե.Չաբենցի «Գիրք ճանապարհի» ժողովածուի մեջ» /Ս.Զաքարյան/, «Ա.Ահարոնյանի կյանքը և ստեղծագործության ընդհանուր բնութագիրը» /Գ.Խաչիկյան/:


«Գիտական աշխատություններում» տեղ են գտել նաև Ա.Ակոպովի «Արևմտյան Շիրակը Կարսի գեներալ-հանգամանի գեկուցագրերում 1800-ական թթ.», Գ.Այվազյանի «Գովկասի հայոց բարեգործական ընկերության Ալեքսանդրապոլի մասնաճյուղի գործունեությունը 1884-1899 թթ.», Լ.Աթանեսյանի «Մուսանեսա Մկրտչյան արվես-

տագեւոր», Հ.Հարությունյանի «Շիրակի պարեղանակները Ա. Բրուսյանի գրառումներում», Կ.Բազեյանի «Շիրակի արդի արհեստները /ըստ 2012թ. իրակահասցված դիտանցման/, Հ.Աբրահամյանի «Շիրակի վարդավառյան ուխտավայրերը» հաղորդումներն ու հրապարակումները:

«Գիտական աշխատություններ» ժողովածուի 15-րդ հատորում տպագրված էրկթերն ընդգրկում են համառոտ տուսերեն և անգլերեն ամփոփումներ: Ժողովածուն ավարտվում է «Գիտական լրատու» Բաժնի ուշագրավ էրկթերով:



2013 թ. լույս տեսավ Կենտրոնի գիտաշխատող, պատմաբան Ա. Ակոպովի հեղինակած «Տալք. վարչաժողովրդագրական պատկերը XVIդ.մինչև XIXդ.առաջին երեսնամյակը» մենագրությունը:



Այն նվիրված է Մեծ Հայքի Տալք աշխարհին և ներկայացնում է XVI դարից մինչև XIX դարի առաջին երեսնամյակը Կարսի, Ախալցխայի և Էրզրումի նահանգներ

րի միջև տարրալուծված Տալքի վարչատարածքային բաժանումները, բնակավայրերի տեղագրությունն ու տեղաբաշխումը, էթնոժողովրդագրական տեղաշարժերը և այլ հիմնահարցեր: Աշխատության մեջ անդրադարձ է կատարվել նաև Տալքի հին և միջնադարյան շրջանների պատմությանը՝ հատուկ ուշադրության արժանացնելով Տալքի հայության շրջանում քաղկեդոնականության տարածման շարժառիթներին և ընթացքին:

Մենագրությունը բաղկացած է 213 էջից, իսկ գիտատեղեկատու համակարգը ներկայացված է ծանոթագրություններով, անձնանունների և տեղանունների ցանկերով: Այն հասցեագրված է և պատմաբաններին, և՛ ընթերցող լայն հանրությանը:



2013թ. ԳԱԱ ՇՀՀ կենտրոնի գիտաորհրդի որոշմամբ լույս տեսավ ավագ գիտաշխատող, ճանաչված ազգագրագետ, վաղամեռիկ Հասմիկ Ափինյանի «Միրա երգիչ, Աշուղ Իգիթ» մենագրությունը, որ հրատարակման պատրաստվեց կենտրոնի գիտքարտուղար, արվեստագիտության թեկնածու Հ.Հարությունյանի ջանքերով:

Խորհրդային տարիները հայ ազգային աշուղական երգարվեստի զարգացման կարևոր ժամանակահատված էին, երբ ասպարեզ եկած երգիչ-բանաստեղծները Խայաթը, Աշխույժը, Ռազմիկը, Հրկեզը, Սմբատը, Գրիգորը և ուրիշներ, իրենց երգարվեստով հող նախապատրաստեցին Հավասի, Աշուս, Շահեն աշուղների «եռաստղ համաստեղության» գործունեության համար: Այս եռյակի ստեղծագործության մեջ էլ բյուրեղացան և որոշակիացան սկզբունքներ, որոնք և բնութագրական նշանակություն ունեցան առ արվեստի հետագա զարգացման համար:



ՍԻՐՈՒ ԵՐԳԻՉՐ
ԱՇՈՒԴ ԻԳԻՅՈ

Անվիճելի է, որ նոր ժամանակների երգիչների ստեղծագործություններ խարսխված է Ալեքսանդրապոլի դպրոցի ավանդույթներին: Ակունքը՝ հայ ազգային ժողովրդական երգային բառապաշարն է, բայց այլ գույներով ու մտածողության բոլորովին թարմ շնչով: Սա թերևս ժամանակի հետ առնչվող նոր մտայնների անկախությամբ էր պայմանավորված, առավելապես ժամանակակից մարդու հուզաշխարհի, նրա զգացումների բազմաբնույթ արտացոլմամբ:

Ազատ ու անկախ հայրենիք, կառուցվող նոր քաղաք, հավերժական սեր էր գովերգում նաև նույն ժամանակների երգիչ աշուղ Իգիթը, որի անունը միշտ չէ, որ հիշատակվում է խորհրդային շրջանի աշուղների շարքում: Ի տարբերություն իր սերնդակից ու գրչակից ընկերների, որոնք, գործունեությունը սկըսելով ծննդավայրում, հետո կենտրոնացան մայրաքաղաքում, Գեղամ Մարտիրոսյանը մնաց հայրենի քաղաքում և մինչև կյանքի վերջն ապրեց ու հիմնականում ստեղծագործեց Լենինական – Գյումրիում:

Իգիթը սիրված և հանրաճանաչ աշուղ է: Նրա երգերը բերանացի երգում են թե՛ քաղաքային, թե՛ գյուղական միջավայրերում, հնչում են ռադիոյով,

հեռուստատեսությամբ: Մինչ օրս, սակայն, նրա ստեղծագործություններ խորությամբ չի ուսումնասիրվել: Նրա երգերի մեծ մասը պահպանվում է ժապավենների վրա ձայնագրված, մի մասն էլ ձեռագիր-սևագիր վիճակում է: Հրատարակված միակ գիրքը՝ «Շիրակն իմ մուսան» ժողովածուն է՝ կոմպոզիտոր Ազատ Շիրանի ձայնագրություններով, որում ընդգրկված է աշուղի երգանքի չափազանց համեստ հատվածը, ընդամենը 35երգ, մինչդեռ Գեղամ Մարտիրոսյանի եղանակավորած երգերի թիվը հասնում է մոտ 250-ի: Առանձին նմուշներ էլ հրատարակվել են մեկ-երկու այլ ժողովածուներում՝ հիմնականում քաղված վերահիշյալ գրքից:

Աշուղի ստեղծագործությանը վերաբերող որևէ երաժշտագիտական հետազոտություն չկա: Իգիթի երգերի վերաբերյալ մի փոքրիկ դիտարկում կա նաև Բ.Քուշնարյանի գրքում:

Մույն աշխատության մեջ առաջին անգամ փորձ է արվել ներկայացնել աշուղ Իգիթ ստեղծագործողին: Անդրադարձ է կատարվել ինչպես հրատարակված, այնպես էլ մոտ վեց տասնյակի հասնող անսփյուղ երգերին, որոնք գրավել և վերծանվել են աշուղի հետ համատեղ աշխատանքի ընթացքում: Այս հրատարակությամբ արժեքավոր նմուշներով կհամալրվեն ոչ միայն աշուղի երգային ժառանգությունը, այլև հայ աշուղական երգի գանձարանը:



«Պատմամշակութային
ժառանգություն և արդիականություն»
միջազգային գիտաժողով
4-6 հոկտեմբերի, 2013թ.

Միջազգային գիտաժողովի կազմակերպիչը ՀՀ ԳԱԱ Շիրակի հայագիտական հետազոտությունների կենտրոնն էր, որը նման մեծածավալ գիտական միջոցառումների անցկացման լավ փորձ ունի:



«Պատմամշակութային ժառանգություն և արդիականություն» գիտաժողովը նպատակ էր հետապնդում մի կողմից՝ հայտածել մեր երկրում հնագիտական, ազգաբանական, պատմագիտական թեմատիկայով իրականացվող հետազոտությունների արդի մակարդակը, քննարկել ուսումնասիրվող մի շարք իրողությունների ու հարցերի ետքովի մեկնաբանություններ, մյուս կողմից՝ պայմանավորված ԱՊՀ և այլ երկրների գիտնականների մասնակցությամբ՝ երապաստել մշակույթի մասնաճյուղերի ուսումնասիրության բնագավառում տարբեր երկրներում կուտակված փորձի փոխանակմանը, մասնագիտական ու անձնային շփումներին, միմյանց պատմամշակութային արժեքներին հաղորդակցվելուն:

Գիտաժողովի անդրանիկ լիազմամար եիստը, որ գումարվեց «Հոկտեմբեր» մշակութի կենտրոնում, նվիրված էր ՀՀ Գիտությունների ազգային ակադեմիայի 70-ամյակին: Ակադեմիայի անցած փառավոր ուղու, նրա ձեռքբերումների ու արդի մարտահրավերների մասին զեկուցմամբ հանդես եկավ ԳԱԱ

Շիրակի հայագիտական կենտրոնի տնօրեն, բանասիրության դոկտոր Մ.Հայրապետյանը:

Գիտաժողովի ծրագրում ընդգրկված 147գիտական զեկուցումների զերակշիտ մասի /87/հեղինակները Հայաստանի Հանրապետության ԳԱԱ համակարգի, նաև բուհերի հայագիտական ու տնրիոնների ներկայացուցիչներ էին՝ հիմնականում հանրապետության /և ոչ միայն/ գիտական շրջաններում քաջ հայտնի հնագետներ, բանագետներ, ազգագրագետներ, պատմաբաններ, ֆուլկլորիստներ և բանասերներ, նաև՝ երիտասարդ գիտնականների բավականին ներկայացուցչական կազմ: Նույն թեմատիկայով Գյումրիում նախկինում անցկացված երկու միջազգային գիտաժողովների /2007,2010/ համեմատությամբ հայ գիտնականների մասնակցությունը վերջին գիտաժողովին ավելի ներկայացուցչական եղավ և առավել արդյունավետ: հնագիտության, մարդաբանության և վիմագրության մասնաճյուղում՝ 13 զեկուցումներ, պատմագիտության և ժողովրդագրության մասնաճյուղում՝ 14, ազգաբանության, բանագիտության և էթնոսոցիոլոգիայի մասնաճյուղում՝ 28, ճարտարապետության և արվեստաբանության մասնաճյուղում՝ 18, բանասիրության մասնաճյուղում՝ 13: Մեր գիտնականների զեկույցների ճնշող մեծամասնությունն աչքի ընկավ ուսումնասիրվող խնդիրների խորը իմացությամբ, քննարկման ներկայացվող հարցադրումների լայն ընդգրկմամբ ու հաճախ նաև՝ ետքովի մեկնաբանություններով:

Առանձնակի հետաքրքրությամբ լսվեցին և աշխույժ քննարկումներ առաջացրին ճարտարապետներ Մ.Հասրաթյանի, Ա.Գրիգորյանի /Երևան/, ազգագրագետներ, Ժ.Խաչատրյանի /Երևան/, Կ.Սահակյանի/Գյումրի/, Եր. Մարգարյանի, Հ.Սարգսյանի, Ս.Հմայակյանի /Երևան/, Հ.Հարությունյանի /Գյումրի/,

լեզվաբաններ Լ.Խաչատրյանի, Ջ.Բառնայանի /Երևան/, գրականագետներ Ս.Մխիթարյանի/Երևան/, Ա.Հակոբյանի /Գյումրի/, հնագետներ Լ.Եզանյանի /Գյումրի/, Ա.Մանուկարյանի, Ա.Ժամկոչյանի/Երևան/, պատմաբաններ Ա.Հայրապետյանի, Ս.Պետրոսյանի /Գյումրի/, Ա.Վիրաբյանի, Ռ.Օհանջանյանի /Երևան/, Ս.Պապիկյանի/ԼՂՀ/, գրող Ա.Հովհաննիսյանի և այլոց գիտական հաղորդումները: Դրանք նաև վկայությունն են այն բանի, որ մեզանում վերջին տարիներին նկատելի առաջընթաց է արձանագրվում հայագիտության բնագավառում, մեր ժողովրդի հսկայածավալ պատմամշակութային ժառանգության ուսումնասիրության գործում, մասնավորապես հարց նորագույն շրջանի պատմության բազմաթիվ վիճակարարաց հարցերի նորովի լուսաբանման մեջ ազգաշան և իրատեսական մոտեցումներում, ազգաբանության բնագավառում ավանդականի կողքին նոր ուղղությունների՝ ազգահոգեբանական, ազգասոցիոլոգիական բնույթի հետազոտությունների թվաքանակի նկատելի աճի, նաև դրանց որակական մակարդակի բարձրացման մեջ:

Գիտաժողովը հնարավորություն տվեց ի մոտո ծանոթանալու մի շարք հնագիտական հուշարձանների /Արտաշատ, Դվին, Մեծ Մեպասար, Հայկաձոր, Երեբունյե Անի, Հովհաննավանք և այլն/ հետազոտման բնագավառում առկա նոր ձեռքբերումներին: Հասկացալից կարևորվեցին նոր սերնդի դաստիարակման գործում ազգամշակութային ժառանգության տեղին օգտագործման խնդիրը, ազգամշակութային տարածքում ազգային արժեքների փոխակերպումների ուսումնասիրության անհրա-

ժեշտությունը, մշակութային կապիտալի դրսևորման ձևերն ու առանձնահատկությունները, մշակութային երկխոսության և փոխառնությունների արդիական հեղեղություն ունեցող հարցերը, արդի միգրացիոն երևույթների, ի մասնավորի, արտագաղթի սոցիալ-տնտեսական և բարոյաևհոգեբանական պատճառների անալիտ ուսումնասիրությունն ու մեկնաբանությունը: Մինևույն ժամանակ մի շարք զեկուցումներում իրավագիտուն նշվեց նաև պատմամշակութային ժառանգության ուսումնասիրության գործում առկա դժվարությունների պատճառով /հիմնականում ֆինանսական/ ազգագրական ու բանահյուսական գիտարշավների և սոցիոլոգիական հարցումների պակասի, հատկապես արտասահմանյան գործուղումների անբավարար քանակի, արտերկրի միջազգային գիտաժողովներին մասնակցելու սուղ հնարավորությունների մասին:

Վերջին շրջանում հայագիտության և հումանիտար գիտությունների բնագավառում զգալի է դառնում երիտասարդ գիտական կադրերի քանակական աճի միտումը, ինչն ակնհայտ դրսևորվեց նաև Գյումրու միջազգային գիտաժողովում, որտեղ բավականին նկատելի ու արդյունավետ էր ինչպես ՀՀ այնպես էլ մասնակից մյուս երկրների երիտասարդ պատմաբանների, ազգագրագետների, հնագետների ու արվեստաբանների առկայությունը:

Գիտաժողովում ներկայացվեցին մշակութային փոխառնություններին վերաբերող մի շարք հետաքրքիր հաղորդումներ: Դրանցով հանդես եկան ինչպես հայ, այնպես էլ այլազգի հետազոտողներ՝ Ա. Գրիգորյան /Հայաստան/,

Ա Դազեայան /Լիբանան/, Տ Սարգսյան, Ն Բերեժնայա /Ուկրաինա/, Ի Սարուխանովա, Ի Կրասնենկո /Վրաստան/, Դ Անեան, Ջ Ալլաբերդիևա, Ա Աթանա /Թուրքմենստան/, Լ Բորիս, Ռ Կոնդոր, Լ Բուրիկինա, Ն Դենիսովա /Ռուսաստան/, Վ Պլոսկին /Դղրգուսան/, Վ Բեսով /Հյուս Օսթիա/, Պ Տոնապետյան, Մ Դոմինեն /Ֆրանսիա/ և այլք։

Ժողովուրդների պատմամշակութային ժառանգության ուսումնասիրությունը համաշխարհային ժամանակակից հումանիտար գիտության հիմնախնդիրներից է որը ներկայումս բուռն զարգացում է ապրում հատկապես հետխորհրդային տարածքի երկրներում։ Այստեղից էլ՝ այն որոշակի հետաքրքրությունը, որ դրսևորվեց Գյումրու միջազգային գիտաժողովի նկատմամբ ԱՊՀ երկրների հումանիտար բնագավառի գիտնականների կողմից։ Գիտաժողովին մասնակցելու հայտ էին ներկայացրել այդ երկրների շուրջ 80 գիտնականներ, մասնակցեցին 52-ը՝ հայկական լսարանին ծանոթացնելով ռուս, հյուսիսկովկասյան, վրացի, ուկրաինացի, թուրքմեն, քուրդ, դղրդր և այլ ժողովուրդների պատմության, բանասիրության, ազգագրության, հնագիտական հուշարձանների, հոգևոր ու նյութական արժեքների ուսումնասիրության, պահպանման և քարոզչության բնագավառում առկա նորություններին։

Գիտաժողովը, որ տեղի ունեցավ «Գյումրին ԱՊՀ 2013թ. մշակութային մայրաքաղաք» միջազգային ծրագրի շրջանակներում, հայտավորված մասնակիցների աննախադեպ քանակով, քննարկվող հարցերի թեմատիկ բազմազանությամբ, մասնակից երկրների լայն աշխարհագրությամբ ու արդյունավետ

կազմակերպվածությամբ վերջին տարիներին հանրապետությունում տեղի ունեցած մեծամասշտաբ գիտագործնական միջոցառումներից է։

Գիտաժողովը փաստեց, որ վերջին երկու տասնամյակների հանրապետության երկրորդ քաղաքը ԳԱԱ Շիրակի հայագիտական հետազոտությունների կենտրոնի ջանքերով իրավամբ դարձել է պատմամշակութային ժառանգության խնդիրներին նվիրված հանրապետական ու միջազգային գիտական միջոցառումների մասնակիցների ճանաչված հանդիպատեղի։

Գիտաժողովը փաստեց նաև այն բուռն հետաքրքրությունը, որ գիտության աշխարհը դրսևորում է ժողովուրդների հոգևոր և նյութական մշակույթի գիտական արժեքման և գնահատանքի հարցում։ Հայաստանի և արտերկրի հնագետների, պատմաբանների, բանագետների, ազգագրագետների, բանասերների և հումանիտար ոլորտի այլ մասնագետների համատեղ գիտական ֆորումն արժանագրեց ժողովուրդների պատմամշակութային ժառանգության ժամանակակից ուսումնասիրությունների հիմնախնդրային ընդհանրություններ ու առանձնահատկություններ, մտնեցումների տարբերություններ, միաժամանակ օգնեց ծանոթանալու հումանիտար հետազոտությունների բնագավառում տարբեր երկրների դրական փորձին ու ձեռքբերումներին և, անշուշտ, նաև կնպաստի համատեղ գիտական ծրագրերի ի հայտ գալուն։

Գիտաժողովը նաև ըստ ամենայնի նպաստեց հետխորհրդային տարածքի տարբեր ազգությունների գիտնականների միջև անձնային շփումների ու

կայերի, բարեկամական փոխհարաբե-
րությունների ձևավորմանը:

Գիտաժողովի աշխատանքներին մասնակցում էին ՀՀ Շիրակի մարզպետ Յ.Յոլալյանը, Գյումրու քաղաքապետ Ս.Բալասանյանը, ՀՀ ԳԱԱ հայագիտու-
թյան և հումանիտար գիտությունների բաժանմունքի ակադեմիկոս-քարտու-
ղար Յու.Սուվարյանը, Բաժանմունքի գիտահետազոտական ինստիտուտների տնօրեններ, հայրենական գիտության ու մշակույթի բնագավառի բազմաթիվ երևելիներ:

Գյումրու միջազգային գիտական ֆորումի մասնակիցները նաև որոշե-
ցին «Պատմամշակութային ժառանգու-
թյուն և արդիականություն» խորագրով հաջորդ միջազգային գիտաժողովը ԱՊՀ երկրների մասնակցությամբ Գյումրիում գումարել 2016թ. աշնանը:



«Գյումրին՝ ԱՊՀ 2013թ. մշակու-
թային մայրաքաղաք» միջպետական ծրագրի շրջանակներում 2013թ. հոկ-
տեմբերի 4-5-ը ԳԱԱ Շիրակի հայագի-
տական հետազոտությունների կենտ-
րոնն անցկացրեց «Ավանդական երա-
ժշտության և աշուղական երգի միջազ-
գային փառատոն, որին մասնակցեցին շուրջ 50 վարպետ-կատարողներ, երա-
ժրշտական և պարային խմբեր, արվես-
տագետներ Հայաստանի Հանրապետու-
թյունից, Տաջիկստանից, Ղազախստա-
նից և Թուրքմենիայից:

Հոկտեմբերի 2-ին փառատոնի շրջա-
նակներում Գյումրու «Բեռլին» հյուրերի տանն անցկացվեց Կոր սեղան «Արևել-
յան ավանդական երաժշտության զար-
գացման արդի միտումները» թեմայով

ՀՀ նշանակալի նախագահություն
Արևմտյան քաղաքականության
ՀՀ ԳԱԱ Շիրակի հայագիտական հետազոտությունների կենտրոն
Министерство культуры Республики Армения
Мерия г. Гюмри
Արևմտյան և արևելահայկական հասցեագրում ՀԱՊՀ ԲԱ
ԱՆՍԼՆԱԿԱՆ ԵՐԱՇՇՈՒԹՅԱՆ ՓՈՒՆԱՅՈՒՆ
ՈՐԻՆՈՒՄԱԿԱՆ ԵՎ ԼԵՈՒՄԱԿԱՆ ԱՅԾՈՒՆԱԳՈՐԾՈՒԹՅԱՆ
ՊԵՏԻՎԱԼԻ ԹՐԱԴԻՑԻՈՆՈՒ ՄՅԱԿՈՒ
ՈՐԱԾՈՒԹՅԱՆ ԵՎ ԱՄՆԿՈՒԹՅԱՆ ԿՐԻՏԻՎ



որը նվիրված էր արևելյան դասական ե-
րաժշտության ոլորտներից մեկին՝ մու-
ղամաթին: Հայ ունկնդրին պատմաուե-
սական ուսումնասիրությունների հի-
ման վրա ներկայացվեց տաջիկական
Շաշմակում ժանրային համակարգի ա-
վանդական նկարագիրն ու արդի զար-
գացումների հանգամանալի վերլուծու-
թյունը: Համերգ-դասախոսությամբ հան-
դես եկավ Տաջիկստանի Հանրապետու-
թյան ժողովրդական արտիստ, արվես-
տագիտության թեկնածու, Դուշանբեի
«Նավո» ավանդական երաժշտության
ակադեմիայի տնօրեն Աբդուլլաի Աբ-
դուլոտշիդովը: Հաջորդիվ ծավալված աշ-
խույժ երկխոսությամբ երևակվեցին մի
շարք զուգահեռներ և ազգային ինքնու-
թյան դրսևորումներ հայկական ու տաջ-
կական բանավոր ավանդույթի պրոֆե-
սիոնալ երաժշտության այս ոլորտում:

Հոկտեմբերի 3-ին ԳԱԱ Շիրակի
հայագիտական հետազոտությունների
կենտրոնում տեղի ունեցավ թեմատիկ
քննարկում՝ ԱՊՀ երկրներում երաժշ-
տական հեղափոխության տարբեր ո-
լորտներում կատարվող աշխատանք-

ների, նոր ձեռքբերումների և դրանց համադրման, մշակութային գուգահեռների անհրաժեշտ անցկացման վերաբերյալ: Հանդես եկան Կենտրոնի տնօրեն՝ Բան. գիտ. դոկտոր Մ. Հայրապետյանը, գիտքարտուղար՝ արվեստագիտության թեկնածու Հ. Հարությունյանը, Թուրքմենիայի Պատմության ինստիտուտի գիտաշխատողներ՝ պատմական գիտությունների թեկնածուներ Դուրդիմուրադ Անեանը և Ջումադուրդի Անեուրազովը: Հայ հնագետների, երաժշտագետների հետ քննարկվեցին պեղածո նվագարանների, դրանց ծագումնաբանության և ավանդական երաժշտության մեջ կրած փոխակերպումների ուսումնասիրման խնդիրներ:

Փառատոնի հանդիսավոր բացումը և առաջին համերգը տեղի ունեցան հոկտեմբերի 4-ին Գյումրու «Հոկտեմբեր» մշակութային կենտրոնում: Նախասրբառնում, որտեղ բացվել էր ՀՀ մշակութային վաստակավոր գործիչ, եկարչուհի Սուսաննա Մկրտչյանի Սյեքսանդրապոլ Գյումրու քաղաքային մշակութային նվիրված գեղանկարչական աշխատանքների ու կոլաժների ցուցադրությունը, հանդես եկան Գյումրու քաղաքապետարանի, արվեստի դպրոցների դիռեկտորների և պարային խմբերը՝ ավանդական պարերի ժամանակակից բեմադրությամբ: Առաջ Շերամի «Ամեն առավոտ» երգը որպես կանացի ծանր պար, ներկայացրեց մենապարուհի Մ. Մկրտչյանը՝ Ալեքսանդրի ավանդական հագուստի արդիականացված նմուշով:

Փառատոնի հանդիսավոր բացումն սկսվեց կենտրոնի դաշկիձում՝ ողջույնի և բարեմաղթանքների ջերմ ելույթներով: Հանդես եկան Գյումրու փոխքաղաքապետ Ռ. Սանոյանը, Շիրակի մարզպետի

խորհրդական Հ. Կիրակոսյանը, Գյումրու քաղաքապետարանի մշակութային բաժնի վարիչ Ա. Կարապետյանը, ՀՀ ԳԱԱ ՇՀ կենտրոնի գիտքարտուղար, փառատոնի աշխատանքների համակարգող Հ. Հարությունյանը: Բանախոսները կարենդեցին փառատոնը Գյումրու ավանդական երաժշտական մշակութային հանրաճաշական, հասարակության մեջ ազգային ոգու և ինքնության ամրապնդման տեսանկյուններից:

Այնուհետև հատուկ ծրագրով հանդես եկան Գյումրու ժողովրդական նվագարանների պետական նվագախումբն ու մենակատարները /երգիչներ՝ Մ. Մալխասյան, Լ. Հարությունյան, Ա. Միրաքյան, Գ. Մայիլյան, թառահար Հ. Մուրադյան, դուդուկահար Տ. Կարապետյան/, գյումրեցի կատարողներ, միջազգային մրցույթների դափնեկիրներ Գ. Նորոյանը, Կ. Շաբոյանը, Ա. Վալեսյանը: Տաղիկական «Նավո» և «Բրաք» մակումներով ելույթ ունեցավ Տաղիկստանի Հանրապետության ժողովրդական արտիստ Ա. Աբդուռաշիդովը:

Փառատոնին համերգային ընդգրկուն և բազմաժանր ծրագրով հանդես եկավ նաև ավանդական երաժշտության նորաստեղծ «Նարեկացի» անսամբլը /գեղ. ղեկավար՝ Հովհիկ Սահակյան/, որտեղ ընդգրկված էին նաև հայկական հնագույն տավիղ, սանթուր և քամանչա նվագարանների ճշգրիտ կրկնօրինակները: Հնչեցին հայ ժողովրդական, միջնադարյան գուսանական և հոգևոր երգերի եզակի նմուշներ:

Համերգային ծրագրում յուրահատուկ տեղ էին զբաղեցրել խիստ ավանդական ժանրերի արդի մեկնաբանումներ՝ վկայելով ավանդույթների պատշաճ և բնահուն գարգացման և արդիա-

կանացման հնարավորությունների մասին:

Հոկտեմբերի 5-ին Գյումրու Աշուղ Շերամի անվան երաժշտական դպրոցի դահլիճում տեղի ունեցավ մուղամի վարպետների համերգ-հանդիպում, որի բովանդակային հիմնադրույթները ծավալվեցին արևելյան հնագույն դասական ժանրերից մեկի՝ մուղամի ազգային ինքնատիպ նկարագրի, գեղագիտական ու գեղարվեստական պատշաճ մատուցման, ավանդական նվագարանների նվագացանկում նրա տեղի ու անհրաժեշտության, հասկալի մեղանում որոշակի կարծրատիպերից ձեռքազատվելու հիմնասկզբների շուրջ: Գյումրեցի վարպետների նվագին ու դիտարկումներին համահունչ էին Տաջիկստանի Հանրապետության ժողովրդական արտիստ Ա. Աբդուռաշիդովի տեսակետները բանավոր ավանդույթի այս կարևոր ժանրի մերօրյա դրսևորումների ստեղծագործական փնտրտուքների ու լուծումների մասին Հայ նտաջիկ վարպետները համադրեցին դասական Չարգյան մուղամի մեկնաբանությունները:

Հոկտեմբերի 5-ին Գյումրու «Պրոգրես» համալսարանի դահլիճում տեղի ունեցավ հայ աշուղական երգի համերգ-մրցույթ, որին մասնակցեցին չորս աշուղներ՝ սագանդարների անսամբլի /քամանչա, թառ, ուր, դուդուկ, դիոյ/ նվագակցությամբ: Միայն հեղինակային կատարումներով հանդես եկան աշուղներ Երամբ/Երևան/, Աստղանուշը /Երևան/, Սահանուշը /Սպիտակ/ և շիրակցի միակ աշուղ Արամայիսը /Գրասար-Գյումրի/: Աշուղական ավանդական տաղաչափությամբ հորինված երգերի ծավալուն շարքն ավարտվեց աշուղների հարց ու պատասխան երգե-

րով, որոնք հիշեցրին հեռավոր աշուղական մեջլիսների սրամիտ հարցերն ու վարպետ պատասխանները: Մերօրյա աշուղներին լիովին հաջողվեց դահլիճում ստեղծել և տնականորեն պահել աշուղական անմիջական երգաստեղծության և մրցակցության թեժ մթնոլորտը, ինչը հնագույն այս արվեստի ավանդականության վիթխարի ներուժի վկայությունն էր:

Գյումրու «Ավանդական երաժշտության միջազգային փառատոն»-ը աշուղական մրցույթի շիկացած ստեղծագործական մթնոլորտում էլ ամփոփվեց ոչ միայն մասնակից աշուղների ջերմ բարեմաղթանքներով, այլև կազմակերպիչ՝ ՇՀՀ կենտրոնի տնօրեն Ս. Հայրապետյանի խոսքով այն մասին, որ Գյումրիում վաղուց հասունացել է և այսօր կենսականորեն անհրաժեշտ է հիմնել ավանդական երաժշտության կենտրոն՝ խնամքով ի մի բերելով Ալեքսանդրյանի հմուտ վարպետ-կատարողների ձայնագրություններն ու դրանց ուսումնասիրությունները, ավելացնելով մերօրյա ժամանակակից կատարումները՝ վառ պահելով ավանդական բանավոր արվեստի չխամրող հրմալըն ու գեղագիտական ներգործությունը:

Փառատոնը գնահատվեց որպես յուրօրինակ խթան վերականգնելու և շարունակ գարգացնելու Գյումրու աշուղական դպրոցի ավանդույթները: Փառատոնի շրջանակներում տեղի ունեցած հանդիպումները, որոնք վերածվեցին ստեղծագործական երկխոսությունների, անտարակույս, շարունակվելու են հեռանկարային ծրագրերում:



«Գյումրին ԱՊՀ 2013 թ. մշակութային մաքրաքաղաք» ծրագրի շրջանակներում ԳԱԱ ՇՀՀ կենտրոնը եռլեմբերի 13-ին Գյումրու ժողովրդական ճարտարապետության և քաղաքային կենցաղի թանգարանի Բակում անցկացրեց Հացի փառատոն /ծրագրի ղեկավար՝ կենտրոնի ավագ գիտաշխատող Կարինե Սահակյան, համադրող՝ Ռոզա Հովհաննիսյան/:



Շիրակի մարզի ազգաբնակչությունը և Գյումրի քաղաքի տասնյակ հազարավոր բնակիչները տոնը դարձրին ԱՊՀ ժողովրդների տոնախմբություն։ Հացի փառատոնը ծառայեց ազգային ավանդույթների վերականգնման նպատակին, ժողովրդական մշակույթը, ազգային ծեսերն ու տոներն ավելի կազմակերպված դարձնելուն որպես համայնքի զարգացման գրավական։ Տոնին, որն անցկացվում էր «Գյումրու օրվա» շրջանակներում, մասնակցեցին նաև ՀՀ վարչապետ Տ. Սարգսյանը, ՀՀ մշակույթի նախարար Հ. Պողոսյանը, Շիրակի մարզապետ Ֆ. Յուլիսյանը, Գյումրու քաղաքապետ Ս. Բալասանյանը, բազմաթիվ հյուրեր Մփխուրցից և արտերկրից։

Տոնին հացարարման իրենց մշակույթով մասնակցեցին Շիրակի մարզի գրեթե բոլոր գյուղերը, Արագածոտնի մարզի մի շարք գյուղերի բնակչությունը, ինչպես նաև Հայաստանի ազգազրահան տարբեր շրջանների ներկայացուցիչներ։ Հացատոնը Գյումրիում սկսվեց Անդաստանի կարգով։ Տոնի մասնակիցներին բաժանվեցին խաչքուտներ, ցորենից հյուսված կենաց ծառեր։ Տոնակատարության վաղու մոտավորապես կեսը ներկայացվեց Շիրակի մարզի քարտեզը /նկարիչ՝ Ե. Մելքոյան/։ Տեղանքը զարդարված էր հատիկապաշտություն արտաձայնող խորհրդանիշներով /Աշորա աստվածուհու, Արևազալի, արու և էգ թռչունների ցորենազարդ կուլածներ/, ցուցադրվեցին հայկական ավանդական գորգեր, արծաթե ապարանջաններ, կանացի գոտիներ՝ ռիթմիկ կրկնվող հասկերի պատկերներով։

Գեղարվեստական ցուցադրումներով հացարարմանը նվիրված տոնին մասնակցեցին բազմաթիվ նկարիչներ ու արվեստագետներ, անհատ ստեղծագործողներ /ԼԱզուլեցի, Ս. Մկրտչյան, Հ. Վարդանյան, Վ. Թովսյան և այլք/։ Տոնակատարությանը ազգազրահան ոգի ու շունչ հաղորդեցին «Կարին» ավանդական երգի-պարի համույթը /գեղ. ղեկավար՝ Գ. Գինոսյան/, Գյումրու Սբ Յոթվերք եկեղեցու երգչախումբը, ԳՊՄԻ-ի երաժշտության բաժնի երգչախումբը, Դավիթ և Արմենուհի Ամայանների, ճանաչված տները Վանո Թադևոյի կատարումները, որոնք բացառապես նվիրված էին հացին ու հողին, գութանի փառաբանմանը։ Տոնական օրվա կիզակետը թոնրի հիմնարկներն էր՝ մասնակցությամբ

յամբ Գյումրու մի քանի նախակրթարանների սաների, որոնք իրենց ձեռնարկների մեջ սրբազան դոդով պահել էին ցորենի հատիկներ թոնրի հիմքում շաղտալու համար:

Տոնակատարության ընթացքում եղան նաև մի շարք ցուցադրություններ բրուտազործների աշխատանքների, Շիրակի մարզի հացամշակության թույսերի ընտրանու, ավանդական տարբեր ուտեստների, հացարարման տարբեր փուլերի, հացի հետ կապված հավատալիքների ու պաշտամունքային ձևերի:

Տոնի ընթացքում բաժանվեց լավաշ հացի մատաղ:

Որպես ամփոփում տոնական օրվա հնչեց «հաց» բառը աշխարհի տարբեր լեզուներով:

Հացի տոնի խորհուրդն էր միավորել մարդկանց, այն դարձնել հոգեվիճակ, դարձ կատարել դեպի այն արժեքները, որոնք ապրեցնող են և վկայում են մեր ժողովրդի արարող ոգին: Հացի փառատոնի հաջողությունն ակնհայտ էր, ինչն էլ հանդիսացավ այն ավանդական դարձնելու գրավական: